


# 陶氏宅兆譜

## 宅兆引

程子曰卜其宅兆卜其地之美惡也地美則神靈安其子孫盛然則曷謂地之美者土色之光潤草木之茂盛乃其驗也而拘忌者惑以擇之地方位決日之吉凶甚者不以奉先爲計而專以利後爲慮尤非孝子安厝之用心也朱子曰葬之爲言藏也以子而藏祖其考之遺體則必致其謹重誠敬之心以爲安固久遠之計使其形體全而神靈得安則其子孫盛而祭祀不絕但不當極意過求必爲富貴利達之計耳是二說者原開示後人保墓之意今體其意將山川形勝寄之於譜用使子孫展卷而知其祖墓所在則不獨絕人爭佔之端抑亦使後人知保墓之法也 譜宅兆

# 所高灣大嶺山霖公祠圖



霖公祠記

聞之禮曰黍稷非馨明德爲馨凡有踐修厥猷恪慎克孝繩武稱賢者皆得入廟廷列配享也我祖諱潯霖雨田其字也生姿歧嶷少有高趣庭訓蚤失家務旁午初億中才高遂以貿易興家焉公子二茂公已不祿矣植林公乃吾父也起而承之席捲鴻基祥徵夙蚤起家道以殷雲以蔚

祖丕顯也象賢也父丕承也象賢之子也為象賢不易為賢之子亦不易驚象賢之子若孫襲父余業不能恢張令緒毋乃貽羞不肖乎然吾祖父手創門楣志膺棟家銖積羨餘倍嘗辛苦追念疇昔能無慨然律以有功德者在祀典則設祠以祭之誰曰不宜前清光緒戊子夏將遺存大山嶺故址聿新堂構經營慘澹頗極輝煌顏曰霖公祠以霖公為不遷祖茂公菓公配享焉登斯堂也蒼翠環繞竹木交映溪水盈匕麗石撐天風帆上下依匕之柳其宅耶丸匕之松其徑耶真足以棲公灵也公之靈在天燕及皇天所以昌厥後也建祠兼以立產契載存留登諸憑約春秋祀會豫算度支保護墳營振興公務胥於祠是賴焉爰公立合約一張擬規條數則遵行弗替是一善後之助也是為記